

KA HRIAT RENG TUR THIAN TE

Hmeichhe naupang pakhat Remi hi a awm a, naupang fel tak ni in a hmel pawh a tha ve hle, lehkha zirna lam ti thei vak lo mahse thu a awih thei em em thung.

A chhungten school tha ah te lut ve se an tih avangin khawpui lamah an chhungkua in pem an tum ta a. Remi chuan a tirah chuan duh lo viau mahse a chhungten zir na tha ah i luh chuan nangmah chauh pawh nilo keini leh kan chhungkaw dang te tan pawh a la tha thei zel dawn a sin an tih kha a beng ah chuan a cham reng a, ka chhung te leh mi dangte tan a nih dawn chuan tiin khawpui lam a pêm chu a duh ve ta hram a. A chhungte hnenah “ka thian te kan pem tur thu hi ka va hril tawh a nge” a ti a. A chhuak ta a. Remi hi an fa neih chhun a ni a, anu tepawn an duat hle thin a, pianpui unau dang a neih loh avangin a thiante hi a unau ang in a en tawp zel a, buai na a neih pawhin a thiante hian an pui in an tanpui nasa hle thin. Remi pawh hian a ngaina in a theih ang ang ah chuan a duh sak let hle thin bawk.

A thiante chuan Remi pem tur thu an hriat chuan an ui hle mai a, mahse a thiante chuan “heng lai ai chuan khawpui chu zirnate a tha zawk anga, a nuam daih zawk bawk ang chu” an lo tihsak a, an thianho in an hlauh ber chu khawpui ah Remi hian thian thar va nei ta se min theihnghilh anga min be duh zui lovin a thianthar te chauh chu a kawm an hlau a ni. Kum tam tak unau anga lo in en an nih hlawm tawh avngin an ui hle. Chumi ni chuan an thian ho chuan Remi te an pem dawn avangin chaw te ei khawm in an riak ho nghe nghe a. A tuk a lo ni ta a. Remi te chhung chu in siam in an kal a lo hun ta a. Uitak chungin a thian te chuan an thlah liam ta a.

Mizoram khawpuiber Aizawl an thleng a, an chhungkua chuan a hmalam a an lo hauh lawk tawh mi inhnuai luah in an va khawsa ve ta rawih a.

Kohhran school pakhat ah admission ti turin an va kal a. Remi chuan test chi hrang hrang paltlangin a tling ve thei ta hram a. A school luh hmasak ni ber tur a lo ni ta a, apa chuan school ah a va thlah a. Remi chu phur viau mahse a zam ru hle, chumi lai tak chuan hmeichhe pakhat, sikul a lut thar ve tho Chhani chu a tawng hlawl mai a, an pahnih chuan section in ang ah an awm a, mi thar v eve an nih avangin kawm tur dang vak an nei lova. Chhani zawk chuan Remi chu a rawn be hmasa a. An hming te an in zawt a, an in kawm chho ve ta char char a.

Nikhat chu hmeichhe pakhat an section a awm ve tho Nuni an tih chuan thian kawm tur a lo neih bik loh avangin Remi leh Chhani te pahnih chu an in rawn a, “Kawm ve mai ila, kan pahnih chauh chuan sawi tur kan nei lo ve thei ropui sia” an ti a. A bul ah chuan an va kal a, an hming te an in hrilh tawn a, an inkhawm tan ve ta a. Remi hi an thian ho ah chuan a naupang ber ni in Chhani hi a dawt chiah a ni a. Nuni hi a upa ber a. An pathum chuan an in kawm ngaih chho ta hle a, school ah pawh an thian ho chu an hre deuh thup a, ‘Best Trio’ ti a hriat an ni chho ta hial a, school ban ah te pawh an inkawm zui zel thin.

Chhani hian pawisa a neih deuh chang chuan a thian te thil a lei sak thin a,

Nuni leh Remi chu an lawm thei em em a, hun a lo rei deuh a Chhani chuan thil a lei sak zel a, a hnu deuh ah chuan Nuni leh Remi chuan Chhani thu chu an awi ta em em a, an pahnih chuan Chhani tih thinrim chu an hlau hle thin, a chhan chu a thin a rim chuan Chhan hian thil a lei duh tawh lovang tih an hlau a, an be tha hle thin. Chhani pawh tlem in an pathum zing ah chuan a lo intithu fal chho deuh a, a tui bottle tikhat tur ten a thiante chu a tir fo thin a. A thiante chuan hnial ngam lovin Chhani tih ang ang chuan an awm mai zel thin.

Mahse Chhani chu kawm nuam an ti tho a, a ni chu mi sual tak a ni bik lova, a thiante a duat thiam in a ngaihven em em thin.

An school a hmeichhe pakhat Ruat-i an tih hian an thian ho chu a ngai thei lo hle a, a thian dang te bul ah an chanchin a che zawng in a lo lo sawi thin. Mahse Remi te thianho chuan eng a tan vak mah ngai lovin an thian ho chuan an hlim em em tho.

Remi te thian ho hi an thil duh zawng leh an ngainat zawng a in ang deuh vek a , an box leh an pen, pencil, tui bottle, tiffin leh school supply te pawh a in ang deuh vek zel in an nei thin a, an thil lawm zawng a ho a, an nuih a za hma em em. Remi hi an zing ah chuan a â deuh ber ni in, fiamthu a duh a, an nuih ti za tu ber pawh a ni thin a. Nuni hi an zing ah a lerh deuh ber a, hmeltha deuh pawh a hmu thei em em baw. Chhani ve thung chuan mi a rel peih ber a, mi ngei pawh a ngah thei hle a ni. Mahse an thianho hi an in hrethiam tawn em em si a, in an tui zawng pawh a in ang hlawm em em a ni.

An school thiamber ni thin an section a mi tho Malsawm-i an tih chu an thian ho ah chuan a lo tel ve leh a, an vai chuan pathum ni tawh lovin pali an lo ni ta a. Mahse Remi chuan a ruk in a thik ru hle, a chhan chu an thian ho ah a naupang ber a nih tawh dawn loh vang a ni. Dar 3 ah school an bang a, Chhani chuan an pathum chuan school ban ah thil a lei sak leh a, mahse Chhani chu a chungte nen school a rawn kal hma a an in hauh avangin Chhani chuan tlai tak a haw a duh a. A thian te chu haw tlai pui ah a sawm ve a. Remi chuan lo hnial vat in “Aih anu ten min hau ang, haw tlai thei ka nilo” a ti tlat a. Chhani chuan thil pawh ka lei sak che kha i van lem reuh tak a lo ti a. Nuni pawh chuan “Awm ve mai mai rawh vawin chauh a ni dawn tho a lawm, len hun darkar 2, hauh chung minutes 2” alo tih liam sak mai a.

Remi pawh chuan “Nia a pawl lovang” tiin a aw ve ta a. Mahse mak a tih deuh chu Malsawm in “Kei chu ka duh lo” a lo ti ve tho a, mahse tu man la haw suh pawh an ti ve lova, Chhani tak ngial pawn “Awle” a lo tih thei mai kha mak a ti em em.

Malsawm-i haw hnu ah chuan an thil lei te chu an ei thin na pangai ah tho chuan an ei leh a. Rei fe an awm hnu chuan tlailam dar 5 a lo ni a. Remi chuan haw a tum tawh a, Chhani chu an In a hnaih avangin a haw tlang nghal a. Nuni leh Remi chu bus in an haw a ngaih avangin bus an chang leh te te a. Remi chu In a thlen

veleh, Anu in “ I va lo haw tlai ve” a tih chuan Remi chuan “Kan stay back” ti in a nu chu dawt a hrilh a.

Nikhat chu an la suangtuah phak ngai loh thil Chhani chung ah chuan a thleng ta tlat mai. Chhani chuan pumpui cancer a lo vei tlat mai. Thi mai tur ah a in ngai a, a thian te pawh a hrilh ngam chiah lova, mahse a hnu ah a hrilh ta tho a, a thian te chuan an khawngaih hle. Chhani chuan Chemotherapy te a lak hun chuan a sam te a tla khawl anga, a hmel te a tih chhiat vek a hlau a. School a a thian te bul ah nui ve vak vak thin mahse a ruk in a hlauthawng hle.

Remi leh a thiante chuan an theih ang angin tih hlim an tum a, ei tur tha an ban phak apiang school ah an ken sak a, Chhani chu an ngaihsak hle thin.

Hun a lo liam zel a, Chhani pawh a ziah chho ve ta tial tial a, damdawi in ah test hrang hrang an va nei leh a, test an nei tih thu chu a thian te a va hrilh a, “Tun nilaini ah hian ka test result a chhuak dawn a” a lo ti a, Remi pawh chuan “I tha leh em em ang” ti in a lo hnem ve sauh sauh a.

Chhani result chu alo chhuak ta a, a result an va lam chuan a lo tha vek a. Chhani chuan phur tak in a thian te a va hrilh a, a thian te chuan a lawm nan chaw ei chuah an rawt a. Mahse Malsawm-i erawh chu an veng a hlat em avangin a tel ve thei dawn lova, chuvangin an pathum chauh chuan an chhuah leh a ngai ta a. Remi chuan a chung te a dil a, a chung te pawn rem an lo tih sak a.

Chaw an ei khawm na tur ah chuan an in nghak khawm a, thla te an la a, nuam ti tak in hun an hmang a. An thil ei man zawng zawng chu Chhani chuan a pek sak vek a, an pathum chuan nuam ti tak in a haw leh ta a.

A tuk a lo ni a mipa pakhat Sanga an tih chuan Nuni chu a lo duh ru ve em em a. Sanga chuan Chhani leh Remi te bul ah chuan a lo hrilh a, Remi leh Chhani chuan Nuni leh Sanga te chu inngaizawng se an lo tiru hle a. Sanga chuan chetrawn la hmasa se Nuni chu kan thlem mai dawn nia an ti a. An tum dan chu Sanga an hrilh a, Chhani te thian dun pawh chuan Nuni an lo thlem ve leh a “An hausa lutuk a sin, i duh duh hun ah thil te a lei che anga, a hmeltha si, duh tawp mai rawh” Remi leh Chhani chuan an lo ti a. A hnu lawk ah chuan Sanga chu a rawn kal a mahse Nuni chuan a lo duh lova.

A thian te chuan Nuni chu an ngei hle a, a chhan chu Sanga te chu an hausa a, an duh duh te a lo lei sak theih an ring vangin an thiannu Nuni chu an dem ru hle ani. Nuni chuan “Exam a hnai tawh a, khatiang ka ngaihsak hman lo, lehkha zir a ngai a lawm” a thiante bul ah chuan a lo ti tlat a.

Remi chuan a pi damdawi in a awm mek, thi mai thei dinhmun a ding chu a awm pui a. Anu leh apa te an hman loh avangin zan lam, school a kal loh lai in a riah pui thin a. Lehkha pawh a zir tha mumal hman meuh lo.

Chutiang bawh in a thiannu Chhani pawh chu a nu te nen an inhauh

avangin, apu te in lam ah a riak a, lehkha zir tur engmah a lo ken loh avangin lehkha pawh a zir thei lova. Chhani hi naupang thu awi lo ve tak a nih avangin a chhung te hian an hau deuh reng a, apu te in chu nuam a tiin an lo duat thei em em tho si a, an hauh chang apiang in apu te in lam ah hian a riak ziah thin.

Remi chu zan thum vel damdawi in a, a pi a riahpui hnu chuan api chu a riah pui chhunzawm a ngai tawh dawn lova, mi dangin an lo awm pui ve thung tawh dawn avangin lehkha pawh Remi chuan a zir tha ve thei deuh tawh dawn a. Remi hi thiam thei hle mahse a zir rei peih ngai lova, pass tho mahse a pass tha ngai chuang lo baw, pass na khawp taw, taw, taw a zir chuan pawh a ti ngai lo a, rei lo te bak a zir ngai lo.

An exam ni a lo ni a, Remi chuan a ngai te baw in short answer ho chu exam hma dawn hnaih te ah zir tum in, school lam a pan ta a. An zirtirtu ten an thut na tur an lo rem fel sak vek tawh a. Remi hnung chiah ah a thiannu an class a mi ve tho Diki an tih chu a lo thu ve a. A ni chu Remi ang baw a ngaihsam ni in, an exam tur pawh chu a lo thiam kim lo ve tho a. Remi nen chuan inremsiam in, thiam loh an nei a nih chuan in hrilh taw, tur in an lo in tiam a.

Zirtirtu a lo lut, an tawngtai a, paper a sem a, exam an tan nghal a. Remi chuan question a en a, a zir zing a mi deuh vek a lo chhuak hlauh a, mahse Diki ve thung chu a thiam loh deuh hlir a lo chhuah avangin Remi chuan a puih a ngai ta a. Mahse zirtirtu ten an ven uluk em avangin an fimkhur hle a ngai . Remi chuan a question paper ah chhuan a chhan na a zia, Diki chu a ruk a va pek a tum ta a, mahse an mahni veng tu an zirtirtu chuan a lo hmu palh ta tlat mai.

An zirtirtu chuan an pahnin in an paper chu a lak sak a, principle room ah kal tur in Diki nen chuan a ti a, an Principal chuan a lo hau nasa hle a, mahse a vawikhatna a nih avangin a ngaihdam theih tur thu an Principal chuan a lo hrilh a, “Vawikhat mah inentawn kha tum tawh lo ula, va exam chhunzawm ula, tha tak in lehkha in zir tawh dawn nia” alo ti a.

Remi leh Diki chuan an exam chhunzawm leh theih dawn avangin an lawm hle a. An pahnin chuan an va exam tha leh a, an thiam ang ang te chu an zia a. An pahnin chuan a tuk exam tur hi chu kan thiam kim vek tawh ang an lo ti a.

Remi chu exam tur a zir avang chuan mut pawh a mu tha hman lova. A tuk a lo ni a Remi chu inring taw, tak in school chu a kal a, a ni chuan an note mai pawh ni lo an zirlaibu a mi chhuak thei awm zawng zawng a thiam vang a ni a. Intitheideuh chuan a thiannu Diki chu a hrilh a, Diki pawh zankhua in lehkha a lo zir ve tho avangin a thiam vek tho a, intitheih ve deuh tak chuan “A ni maw” a lo ti a. An pahnin chuan chuta tang chuan an in el ru chho tan hle.

An exam zel a, result chhuah a lo hun a, Remi te thian ho chu an ti tha vak chuang lova, mahse rilru hah nachang an hriat em em loh avangin an lawm em em thova.

Chhani piancham a ni a, Remi chuan a pawisa khawl zawng zawng in Chhani present tur thil tha deuh mai a lei sak a. Chhani a han pek chuan a lo lawm ru ve hle a , an pali chuan school ban ah Chhani piancham a nih avangin Chhani chuan restaurant ah a chawlh pui a. Remi chuan an in kawm chho zel anga, thian tha tak te an nih chho zel a lo beisei a. Mahse Chhani chu awmzia awm lovin Remi chhung ah a lung awi lova, a thian dang te chuan a chhan zawh chhuah an han tum pawn an zawt chhuak thei lo. Remi chu a rilru a hah hle a, a thian dang te chuan “Pawilo naktuk ah a tha ve leh mai ang” an lo tih sak a. Remi pawh chuan “Nia a tha ve leh mai ang” a ti ve ta a.

A tuk a lo ni a Remi chu school chu phur tak in a kal a. Chhani chu a thinrim ring tawh lovin a va pan hnai a, mahse Chhani chuan a lo be duh reng reng lo mai a, Remi chuan a chhan an zawh tak ngial pawn a chhang duh lova. Remi a chu a mangang hle a, a thian dang te pawn awmze nei lova Chhani a thinrim ve ringawt avang chuan an lo ngei ru ve hle a, Remi chung ah a thinrim a nih pawn keini tal te chu min biak tho tur a lawm an ti a. Ni a liam zel a Chhani'n a biak duh loh zel tak ah chuan an thianho chuan an pawl atang in a chhuak ang ah an ngai tawp ta a.

Malsawm-i thiannu hlui a hming Rini hi a awm a, Remi te thianho nen chuan an inkawm ho ve leh ta a. Remi leh Nuni chuan an kawm ve ngai loh avangin an la nel lutuk lo lova. Nikhat chu an phone atangin an school ami ve tho, hmeichhe pakhat hi Remi leh Rini chuan an rel a, chuta tang chuan Remi leh Rini chu an in kawm ngeih chho ta em em a.

An thian ho chuan school ban ah thil ei tur in an peng kawi leh a. An zing a hausa deuh ber Chhani a awm tawh loh avangin an thian ho chuan an thil ei man te chu an in thawh tawm te a ngai ve tawh a.

A kum leh a school dang a in sawn darh mai tur an nih avangin an in kawm rei thei tawh dawn lo. School dang ah an luh hnan vek a ngai dawn si a, an pali chuan school in ang a luh na tur te an zawng a, mahse thiam dan in ang lo an nih avangin school in ang ah an lut vek thei dawn lo tih an hre chiang hle. An pali chuan school chawlh lai ten chaw te an ei khawm a, an leng chhuak ho fo thin a.

Hun a liam a, kum a lo thar a, a ngai ang bawh in hun leh thil thar a lo chhuak a, thian ngai reng inkawm a lo theih lova. Hun leh thil thar zir a kal chhoh a lo ngai a.

Remi chuan tun a a a thiante ang bawh hi a school a luh lehna tur ah pawh a tawn leh ngei theih a in beisei thin a, chutihruah chuan a lungleng in a khua a har lawk em em thin ani.

Mahse hei hi pumpelh theih loh zirlaiten kan hringnun zinkawng tur chu a lo ni si.

BASE ON THE TRUE STORY

Ziaktu - Sarah Lalrempuii
Kulikawn, Aizawl
Ph. 9402545049

Pa hming – Lalrotluanga
Class – VIII
English Congregation School, Mission veng.

